

MINISITERI KAMERE	Y'UMUTUNGO	P.B. 898 Kigali Tel: 6080 Toll free	
IKIGO CY'UBUMENYI BW'IKIRERE	CY'IGIHUGU	Fax: (+250)0252 585755 E-mail: info@meteorwanda.gov.rw	

ITEGANYAGIHE N°47 RY'IMVURA Y'UMUHINDO (NZERI-UKUBOZA) 2017

Hashingiwe ku isesengura ry'ibipimo by'imvura, iby'ubushyuhe bw'ikirere, iby'ubushyuhe bw'amazi y'inyanja y'Ubuhinde, Pasifika n'Atalantika n'isangano ry'imiyaga byo mu karere k' Afurika y'Iburasirazuba n'ihembe ry' Afurika (Great Horn of Africa) ryakozwe n'impuguke mu by'ubumenyi bw'ikirere zo mu Rwanda, muri Afurika ndetse n'ibigo by'ubushakashatsi birimo Met Office, ICPAC, ACMAD, Kaminuza ya Nairobi, IRI, zahuriye muri Zanzibar (Tanzania) kuva tariki ya 14 kugeza ku ya 22 Kanama 2017, hagamijwe gutangaza iteganyagihe ry'imvura y'umuhindo wa 2017 ku migwire y'imvura.

Mu Rwanda, hagendewe ku bipimo by'imvura n'ubushyuhe byo kuri sitasiyo 13 zo mu gihugu mu gihe cy'imyaka 34 ishize, iby'ubushyuhe bw'amazi y'inyanja ya Pasifika, iy'Ubuhindi n'iy'Atalantika, n'ibindi bipimo by'imiyaga ihurira mu karere k' Afurika yo hagati n'iy'Iburasirazuba.

Ikigo cy'Igihugu gishinzwe Ubumenyi bw'Ikirere (Meteo Rwanda) kinejewe no gutangariza abaturarwanda bose ko imvura y'umuhindo iteganyijwe izaba ihagije nk'isanzwe igwa mu bihe byiza ***(Igiyimo cy'imvura isanzwe igwa mu bihe byiza ni igiyimo mpuzandengo kiri hagati ya milimetero 350 na 450 y'igiteranyo cy'imvura yapimwe mu mezi y' umuhindo kuri sitasiyo)***. Ibi biraterwa ahanini n'uko ubushyuhe bwo mu nyanja ngari bumaze igihe buri ku giyimo mpuzandengo cy'ubushyuhe busanzwe ***(ntibwiyongereye cyangwa ngo bugabanuke)***.

Hashingiwe ku miterere ya buri karere mu Rwanda:

- ❖ Intara y'Iburasirazuba (Ngoma, Gatsibo, Bugesera, Kirehe, Rwamagana, Kayonza na Nyagatare), Umujyi wa Kigali (Nyarugenge, Kicukiro na Gasabo), Intara y'Amajyaruguru (Gicumbi, Rurindo, Gakenke) ndetse no mu ntara y'Amajyepfo mu Turere twa Kamonyi, Muhanga, Ruhango, Huye, Gisagara na Nyanza) hateganyijwe imvura nk'isanzwe igwa mu bihe byiza ishobora kugabanuka ***(Imvura iri hagati ya milimetero 350 na 450 cyangwa ishobora kujya muni ya milimetero 350)***;

Turashishikariza kandi abaturarwanda bose bakora imirimo itandukanye, iy'ubuhinzi n'ubworozi, ibikorwa remezo, ubuzima, ubucuruzi, ubushakashatsi, kwirinda ibiza n'ibindi, kwegera impuguke zo mu nzego bakorana kugirango zibagire inama z'uburyo bwiza bwo gukoresha iteganyagihe ry'umuhindo 2017 mu mirimo yabo ya buri munsu.

Abakeneye ibindi bisobanuro birambuye kuri iri teganyagihe n'uburyo ryakoreshwa barasabwa kwegera Ikigo cy'Igihugu gishinzwe Ubumenyi bw'Ikirere (Meteo Rwanda) cyangwa bagahamagara kuri numero itishyurwa 6080.

ICYITONDERWA :

Iri teganyagihe rikomeza gukoreshwa ryunganirwa n'irindi risanzwe ritangwa mu gihe cy'ukwezi, iminsi icumi (10), iminsi itanu (5), iminsi itatu(3) ndetse n'iteganyagihe ritangwa buri munsu.

Bikore we i Kigali, kuwa 04/09/2017




John NTAGANDA SEMAFARA
Umuyobozi Mukuru